

अथो॑ सम्प॒दे॒वा॒स्य सा । स॒ ह॒वा अ॒स्मै स॒कामः प॒द्य-
ते । यत्का॒मो य॒ज॒ते । योऽग्निं॑ ना॒चिके॒तं चि॒नु॒ते । य
उ॒चैन॑मे॒वं वेद॑ । यो ह॒ वा अ॒ग्नेना॑चिके॒तस्या॒यत॑नं प्र-
ति॒ष्ठां वेद॑ । आ॒यत॑नवान् भवति । गच्छ॑ति प्रति॒ष्ठाम् ॥

॥ २ ॥

हिर॑ण्यं वा अ॒ग्नेना॑चिके॒तस्या॒यत॑नं प्रति॒ष्ठा । य
ए॒वं वेद॑ । आ॒यत॑नवान् भवति । गच्छ॑ति प्रति॒ष्ठाम् ।
यो ह॒ वा अ॒ग्नेना॑चिके॒तस्य॒ शरी॑रं वेद॑ । स॒शरी॑र ए॒व
स्वर्गं॑ लो॒कमे॑ति । हिर॑ण्यं वा अ॒ग्नेना॑चिके॒तस्य॒ शरी॑-
रम् । य ए॒वं वेद॑ । स॒शरी॑र ए॒व स्वर्गं॑ लो॒कमे॑ति । अथो॑
यथा॑ रु॒क्म उ॒त्त॒मो भा॒य्यात् ॥ ३ ॥

ए॒वमे॒व स तेज॑सा य॒ज्ञसा॑ । अ॒स्मिन्श्च॑ लो॒केऽमु-
ष्मिन्श्च॑ भाति । उ॒र्वो ह॒वै ना॒मैते॑ लो॒काः । ये व॑रे-
णादि॒त्यम् । अथ॑ है॒ते व॑री॒याः सो॒ लो॒काः । ये प॑रे-
णादि॒त्यम् । अ॒न्त॒वन्तः॑ ह॒ वा ए॒ष क्ष॒य्यं लो॒कं ज॑यति ।
यो व॑रेणादि॒त्यम् । अथ॑ है॒षोऽन॒न्तम॑पा॒रम॑क्ष॒य्यं लो॒कं
ज॑यति । यः प॑रेणादि॒त्यम् ॥ अ॒न॒न्तः॑ ह॒ वा अ॒पा-
र॑म॒क्ष॒य्यं लो॒कं ज॑यति । योऽग्निं॑ ना॒चिके॒तं चि॒नु॒ते ।
य उ॒चैन॑मे॒वं वेद॑ । अथो॑ यथा॑ रथे॒ तिष्ठ॑न् प॒क्षसी